

Malincunia

M'arricordu di 'ssa machja
Cum'è mille soli, era luminosa
Maestosa natura abbandunata
È a terra, l'ai pigliata

In un paese era una vincighjata
In 'ssu mondu s'hè sminticata
Nant'à e piazzette ùn si balla più a pizzica
È a cultura, l'ai arrubbata

Nant'à 'ssi vechji banchi, a gioia di parlà la
In un cricchenu ella, si soffoca
Furiosa sintinella, d'una vita scurdata
È a nostra lingua, l'ai cundannata

Curagiosu, populu era
Di 'ssa battaglia tante piaghje à sullivà
A to grande guerra, l'anu fatta
Ma a storia, l'ai scanciliata

In 'sse muntagne l'acellu cantava
Mutu fubbe una ghjurnata veraninca
Ferita innucenta cum'è 'ssa prima trinca
Ma a libertà, l'ai incarcerata

Nant'à 'ssi vechji banchi, a gioia di parlà la
In un cricchenu ella, si soffoca
Furiosa sintinella, d'una vita scurdata
È a nostra lingua, l'ai cundannata

È a terra l'ai pigliata
A cultura l'ai arrubbata
È a storia l'ai scanciliata
È a libertà l'ai incarcerata